

Soga - Twalokolebwa Ebyaghandiikibwa - Salvation Scriptures

Ab'e Efeso 2:2 bye mwalimu nga mujiira ku bantu b'ensi nga bwe bakola, nga mufugibwa omukulu ow'emizimu egy'omu ibbanga, buti egikolera mu abo abatawulira Katonda.

Matayo 6:10 Obwakyabazinga bwo bwidhe. By'oyenda bikolebwe mu nsi nga bwe bikolebwa mu igulu.

Luka 22:42 yaakuba amakiryaivu, yaasaba, ati: "Lata, bwe kuba nga n'okwenda kwo ntoolaaku ekikopo kino, aye ti nga nze bwe nhenda aye nga iwe bw'oyenda."

Yoanne 16:7-9 Aye mbakobera amazima: niimwe abaganhulwa bwe nja kuba bwe ntaja Omubeezi taliidha ye muli aye bwe ndija ndimubagheereza. 8 Era bw'aliidha alirumiriza ensi ku bigema ku kibi, ku butuufu era ni ku kusalirwa omusango. 9 Aligirumiriza ku bigema ku kibi, kuba tiyandhikiriza.

2 Timotheo 2:10 Kyenva ngumira buli kintu olw'obulungi bw'abalonde, olwo bafune okulokolebwa n'ekitiisa ekitawaagho ebiri mu Kurisito Yesu.

Ab'e Roma 15:20,21 Kye nuyirira buliidho n'okukobera abantu Amawulire Amalungi mu bifo ebyo Kurisito y'atawulirwangaku, ndobe kuzimba ku musingi gwa muntu wundi. 21 Aye nga bwe kyaghandiikibwa kit: "Abo abatakoberwanga bimugemaku balimubona, era n'abatamubonangaku balimutegeera."

Ebikolwa 2:36,37 "Kale ni, endhu ya Israeli yoonayoona emanhe aghazira kubuu sabuusa, nga Katonda yafuula, Yesu oyo ye mwakomerera ku musalaba, Musengwa era Kurisito." 37 Ebyo bye baawulira byabafumita ku myoyo, baakoba Petero n'Abatume abandi bat: "Baganda baife, tukole ki?"

AbaHeburayi 4:2 Kuba twena twawulira Amawulire Amalungi ng'oti ni beene bwe baagawulira. Aye bye baawulira tibyabaganhula, kuba byabaagaana nga baziramu kwikiriza.

Yeremia 24:7 Ndidha kubaleeteranga okuumanha nga ninze Musengwa Katonda. Olwo beene babenga bantu bange, ate nze mbenga Katonda waibwe, kuba baja kukyuka baire ye ndi n'omwoyo gwaibwe gwonagwona.

Ebikolwa 16:14 Ghaabaagho omukazi mulala ng'eriina lye ni Ludia nga ava mu kibuga Thuyatira. Yali atundanga bivaalo ebya nakasooma era nga

atya Katonda. Ono Musengwa yamugha omwoyo omugonvu, yaikiriza ebyo Paulo bye yayogera.

Matayo 13:14,15 Era abo batuukiriza Isaia kye yalanga ng'akoba ati, 'Okuwulira muliwulira aye timulitegeera, era n'okubona mulibona aye timulitegeera; 15 kuba omwoyo ogw'abantu bano mukalangafu, amatu gaibwe gasembye, n'amaiso gaibwe bagazibye. Nkani bandiboine n'amaiso gaibwe, bandiwuliire n'amatu gaibwe, baategeera n'omwoyo, baakyukira ye ndi naabawonia.'

Isaia 6:9,10 Yankoba ati: "Ja okobe abantu abo oti, 'Okuwulira muliwulira, aye timuja kutegeera naire, n'okubona mulibona, aye timuja kwekalirisa naire.' " 10 Era yankoba ati: "Kalangusa emyoyo gy'abantu bano, osembe n'amatu gaibwe, otulughaze n'amaiso gaibwe; kuba tomanha bwe babona n'amaiso gaibwe, ni bawulira na matu gaibwe, era ni bategeera na myoyo gyaibwe, ni bakyuka ni mbawonia."

Mariko 4:11,12 Yaabakoba ati: "Imwe mwagheebwa okumanha ebyama eby'Obwakyabazinga bwa Katonda, aye abandi ab'endha, buli kintu kibakoberwa mu nfumo: 12 olwo babe, ng'okumoga bamoga aye nga tibabona, n'okuwulira baawulira aye nga tibategeera; kuba bandibaire bakyuka baasoniyibwa ebibi byaibwe."

Yoanne 12:39,40 Kale nga tibasobola kwikiriza, kuba era Isaia yakoba ati: 40 "Katonda abatuluwaiza, era yaakalangusa emyoyo, balobe kubona na maiso gaibwe, waire kutegeera na myoyo gyaibwe. Ti kulwa nga bagaluka baira ye ndi naabawonia."

Ab'e Roma 11:7,8 Kale tunaakoba tutya? Abaisraeli tibaafuna ekyo kye baanuyirira? Abalondemu n'abaakifuna, aye abandi baakalanguka emyoyo, 8 nga bwe kyaghandiikibwa kiti: "Katonda yabagha emyoyo emisirusiru, yabagha amaiso agatabona n'amatu agatawulira okutuukiza irala ni ye buli eno."

2 Ab'e Thessalonika 2:10,11 Alikozesa obuguya bwa Sitaani obwa buli nsambo ku abo ab'okuzikirira, kuba baaloba okusangaalira n'okugonza amazima balokolebw. 11 Katonda kyava abaleetera okudobana ni baikiriza eby'obuguya.

Matayo 13:18-23 "Kale imwe muwulire olufumo luno olw'omusizi. 19 Yeenayeena awulira ekibono eky'Obwakyabazinga n'atakitegeera, ali ng'oti n'ensigo eyagwa ku ngira omubi aidha yaswankula ekyo ekisigiiuba mu mwoyo gwe. 20 Ensigo eyagwa ku lubaalebaale, n'oyo awulira ekibono, mangu ago yaakisangaalira n'eisanhu. 21 Aye ng'azira mizi, era asigala atyo akaseera katono. Ebizibu oba okukirigibwa bwe

bibaagho olw'ekibono, mangu ago ng'alekayo. 22 Ensigo edhaagwa mu mawa, n'oyo awulira ekibono aye okweraliikirira eby'obulamu obw'ensi, n'okuguyibwa eby'obukombe bifundekeza ekibono kyaloba kwama naire. 23 Ate ensigo edhaagwa mu itaka eirungi, n'oyo awulira ekibono yaakitegeera, yaayama ebibala: owekikumi, owenkaaga, n'owasatu."

2 Ab'e Korintho 3:15,16 Bwene ni ye buli eno buli Iwe basoma ebyaghandiikibwa bya Musa, emyoyo gyaibwe giba mighembe gyaku ekitambaala. 16 Aye omuntu bw'agalukira ye Musengwa ekitambaala kitoolebwagho.

Isaia 30:28 Omuuka gw'agheera guli ng'oti n'omwiga ogubanze ni gutaayaaya, ng'amaadhi gaagwo gatuuka mu nkoto, olwo gaaja nga geeyaagho amaghanga bwe gagazikiriza, era gaalekeza amaghanga okutuukiriza entegeka dhaago embi.

Hosea 11:3-7 Ate nga ninze eyayegeresa Abaisraeli okusiirula ekigere okutambula, era nga mbalera mu ngalo dhange. Aye baaloba kumanha nga ninze eyabalabiriranga. 4 Nabatwalanga na kisa, naabaleeteranga okwidha ye ndi nga mbagonza. Nabagembereranga ng'oti n'aghemberera omwana okumusirisaagho, era naakutamanga okubaliisa. 5 Baliirayo e Misiri, kyabazinga w'e Assiria yaabafuga, kuba baaloba okwira ye nze. 6 Abazigu balirumba ebibuga byaibwe, baamenhamenha endhigi dhaabyo. Era balibazikiriza olw'okukola ebyo beene bye baayendanga. 7 Ng'abantu bange abo bwe bamaliriire okunvaaku, balirira olw'ekikoligo ekibaliku, aye nga ghazira akibatoolaku.

Ebikolwa 26:18 Olibazibula amaiso, bagaluke okuva mu nzikiiza baire mu butangaavu, era bave mu buyinza bwa Sitaani baire ye Katonda, basoniyibwe ebibi byaibwe era bafune omugabo n'abo abatukuzibwa olw'okundhikiriza."

2 Timotheo 2:24-26 Ate nga omugheereza wa Musengwa tateekwa kuba asoolasoola, ateeckwa kuba wa kisa eri kiisi muntu, omwegeresa omutuufu, ateegania, 25 era agalagira abamutakania aghazira ikabyo, kuba tomanha Katonda bw'abagha kwenenia ni beiraku ni bamanha mazima. 26 Agho baasobola okuwunuka omutego gwa Sitaani ogwabagemya n'abakoza by'ayenda.

Okwolekebwa 3:17-19 Okoba oti, 'Ndi mukombe, ndi bukalamu, nzira kye ndhulirira', waaloba kumanha ng'oli mughafu asaasirwa, omwavu, omutulu era ali ekidu. 18 "Kale nkugha amagezi onguleku zaabu alongooseibwa mu muliro osobole okuba omukombe, onguleku ebivaalo ebyeru ovaale owone ensoni edh'okubita ekidu, era onguleku obulezi

obw'okusiiga ku maiso go oghange okubona. 19 “Nze abo be ngonza mbanenia era mbakangaivula. Kale fuba weenenie.

2 Ab'e Korintho 7:10 kuba okulumwa nga Katonda bw'ayenda, kuvaamu okwenenia omuva okulokolebwa, era tikubaamu kweidhusa. Aye okulumwa okw'ensi kuvaamu kufa.

1 Bakyabazinga 18:37 Wo Musengwa Katonda ndhiraamu, nkweghembye ndhiraamu, abantu bano baghange okumanha nga iwe Musengwa Katonda, niiwe Katonda, era ng'okyusiisa emyoyo gyaibwe okugiiza y'oli.”

2 Ab'e Korintho 4:4 N'abo abataikiriza, kuba Sitaani omufuzi ow'ensi eno yabaghemba emyoyo, yaabalobera okubona obutangaavu obw'Amawulire Amalungi ag'ekitiisa kya Kurisito, oyo abonerwamu Katonda nga bw'afaanana.

Luka 8:11-15 “Mperaano olufumo lutegeeza kino: Ensigo, n'ekibono kya Katonda. 12 Eyagwa ku ngira, n'abantu abawulira ekibono kya Katonda, memale Sitaani n'aidha n'akiswankula mu myoyo gyaibwe balobe kwikiriza na kulokolebwa. 13 Ate eyagwa ku lubaale, n'abantu abawulira ekibono kya Katonda ni bakisangaalira n'eisanhu aye nga bazira mizi baikirizaaku kaseera buseera, aye akaseera ak'okulebwa bwe katuuka nga babivaaku. 14 Ate eyo eyagwa mu mawa n'abantu abawulira ekibono kya Katonda, aye bwe baja, okweraliikirira, obukombe, n'amasanhu ag'obulamu buno bibafundekeza, era tibaleeta bibala. 15 Eyo eyagwa mu itaka eirungi, n'abo abawulira ekibono kya Katonda n'omwoyo ogugwaine era omulungi, baakikalangula baabala ebibala nga baguminkiriza.

Ebikolwa 15:11 Aye twikiriza tuti ife tulokolebwa lwa kisa kya Musengwa Yesu nga boona bwe balokolebwa.”

Ab'e Roma 8:13 Oba nga Mwoyo wa Katonda eyazuukiza Yesu ali mu imwe, kale oyo eyazuukiza Kurisito Yesu, emibiri gyaimwe egifa gyona aligigha obulamu ku bwa Mwoyo we ali mu imwe.